



www.BibleForChildren.org


Genesis 1




Digmak haenppa
Kayak Nug hab,
wan ele heum, . . .



. . . amu wan nug idu iitta dayeye, appa keeke laa ele ii
daye, gatatu, le eleib tona dayeye,
Kayak Oudi Nug [wan heeb,
keeke bau daatte ele wanppa
daaglagnu elele daakkunu]
boppala dayom.




Boppala dayeye, Kayak Nug, “Amahlak bad!” awa
aum. A amu, amahlak aakku beum. Amahlak haennu
amu, Kayak Nug onig, “amun,” atada, gatatu haennu
Nug onig, “tuqan,” atada aum. Buttua ukka uudo, ukka
wagkkadom am
ded tatamnu.



Keeke amu anam ba daye, Kayak Nug, “Le gamagppa oppata, attan honap ele daaped, gamalahppa aben uma ukkak dayad!” awa aum. Kayak Nug aben uma ukkaknu onig, “hab waappa,” atadom. Buttua ukka uudo, ukka wagkkadom am ded ebqak adit.



Keeke amu anam ba daye, Kayak Nug aum. “Le wanppa daatte, amuam aben laippu qagmeeb, wan qadaiettak ele miag atiad!” awa aum. Kayak Nug a amu, am anam aakku beum. Be, le qagmeppignu amu, Kayak Nug onig, “yu,” atada, Nug aben le iitta,



am onig, “wan,” atada aum. Onig adit amu atadowa, Nug keeke amu ohnu am ena anattom.




Nug ena anattowa, Kayak Nug aum. “Wan etetuab
oh, keeke amu oolagppa laa aegib otteb, laa am ad
meu aeg ele otteb, ag anen anen ag aelkad
nena qena, ag edun ag
diilkad amubiaib bekkulag
amu, ag oh beig!” awa
aum.




Kayak Nug a amu, am anam aakku
beum. Buttua ukka uudo, ukka
wagkkadom am ded ebqak ewam.




Kayak Nug anam anana, ib amuppa amu Nug aam,
kalam ele, aa amahlak okkai adit, amu
hodopai oh ele hattom; aam nug
amunnu amahlak, kalam nug
tuqannu amahlak. Buttua ukka
uudo, ukka wagkkadom am
ded ebqak wadele.




Keeke amu anam ba daye,
Kayak Nug, “Leppanu dod idu
idu oh amu, ag huanak beig!
Ai ele ag oh bena, hab
waappa hagagadeg!”
awa aum. Buttua ukka
uudo, ukka wagkkadom
am ded ebqak tanig ele.




Keeke amu anam ba daye, Kayak Nug aum.
“Wanppanu dod idu idu oh, ag diilkad pide pide,
amuam aabppan dod, dod laa ag oolag wan qeeqe
oitteb, amu dod dakkud ele, dod amu oh ag anen
anen appatna, ag diilkad amubiaib bekkulag amu,
dod amu oh ag beig!” awa aum. Kayak Nug anam a
amu, am anam aakku beum.




Kayak Nug anam ha, ena anattowa, Nug aum. “Ig danab ag wan, amu wanppan keeke oh, dod dakkud, aabppanu dod, dod laa ag oolag wan qeeqe oittem, kakai, ai oh ele, ag keeke amu oh gumadkkulagnu, ig danab ig bia hetu! Ig daattem bia amu, ag amubia dayeg!” awa aum.




Kayak Nug keeke oh Nug hattom ele, Nug keeke
amu ohnu am enaib anattom. Buttua ukka uudo,
ukka wagkkadom, am ded ebqak eblaih laippu ele.



Yawe Kayak Nug amu oh ha malowa, dimppa Nug
danab awa, dad Iden wanppa dayom, appa nug dad
udat hekkunu, keeke oh gumadkkunu ele meum.



Mewowa amu, nug
danab inam
hekkununab amegppa
aum. “Na ad meulkad
imu oh lakkutnu elele,
amge na keeke ena,
keeke nau ele doyaknu
ad, nuhig meu amu, na
aib lame. Adinu? Ded
laa na lawona, na
mauhkkut,” awa aum.




Adam nug aabppanu dod,
atuppan dod, ai oh ele onilkad
atadattom, amge nuhig
ehanittak layag laa iitta.




Nug ehanittak layag laa iitta amunu, Yawe Kayak Nug
he, danab nug niia gad meum. Niieye amu, Yawe
Kayak Nug Adam qetti ebehi awowa, aben amu
teppu ade doa tuadiom. Tuadie amu,
Nug Adam qetti ebehippa ah
hewowa, Adam toppa
omala ukkom.



Amu Yawe Kayak Nug ah danabppa
heum, diig amunu ewau matulak
haenppa danab nug anig mameg ele
uuata, nug wau ele matulak daaya,
adit amu aa ouqak laippu daaglah.



Kayak Nug wanppan danab ah dilagnu oo
huana mauhom amunu, Nug Bekka
laippunab me udiom. Nug me udiom
amunu, aun nug nuhignu ooppa genab
dootte ele, nug padal ii mema. litta!
Nug bauklel hanhannu aokku.



Rom 3:23

Adinu? Ig danab oh ig hipunin hemut amunu, ig Kayak Nug
ihinignu ig attem daagnignu dabmeum amu, ig amubia laa
ii daattem.

Rom 6:23

Hipuninnu nob am mauhak, amge Kayak Nug ig ihinig
Nadi, Kristus Jesusnu udatppa bauklel hanhannu ihinig
daakkunu hamu megatte.

Hibru 9:27

Danab oh ag haen laippuib mauhkkulagoitte; amu dimppa
ag hettodiakppa tekkulagoitte,



Epesus 2:8,9

Ag Kayaknu oolagppa genab dooppig amu, amuppa Kayak Nug ehanittak okkai hamu matta, Nug ag edua diia, bauklel mattom. Nug ahilag udat, Nug amunu dabmaama ii mattom. litta! Nug ag ahilag daakkunu hamu mattom.

Rom 10:9,10

Amu nai amuam inam. Na odenppa, “Jesus am Nadi,” genab akkut, Kayak Nug Jesus mauhakppanu he edua hibaittom ele ootppa genab dookkut amu, Kayak na edua awidkku. Amunu diig am, danab nug nuhig oo unuqagppa [Jesusnu] ooppa genab dootte, amuppa [Kayak he,] nug genab tutukku hak danab daatte. Ge, danab nug odeppa nuhig ooppa genab doyaknu maditte, amu ooppa genab doyak amuppa Kayak Nug danab amu edua aotte.



Jon 3:16,17

Kayak Nug wanppan danab ah dilagnu oo huana mauhom amunu, Nug Bekka laippunab me udiom. Nug me udiom amunu, aun nug nuhignu ooppa genab dootte ele, nug padal ii mema. Iitta! Nug bauklel hanhannu aokku. Kayak Nug, Nug Bekka wan imuppa me udiom, amge Nug wanppan danab ah epeidiadkkunu me ii udiom. Iitta. Kayak Nug nuhigppa wanppan danab ah edua diiadkkunu me udiom.

1 Jon 5:11-13

Amu Kayak Nug adi ippunikkom? Nug bauklel hanhannu ig mekkom, amu bauklel amu ig Nug Bekkanu aottem. Aun nug Kayak Bekka ele laippu daattem amu nug bauklel ele, am aun nug Kayak Bekka ele laippu ii daattem, nug bauklel iitta. Da ag Kayak Bekka, ag nuhignu oolagppa genab dootteb amu, da ag bauklel hanhannu aoppig daattem genab dooglagnu, da ahilagnu nai imu yaattem.



Genesis 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Nobonob Bible (gaw) © 2022, Wycliffe Bible Translators, Inc.
All rights reserved.

<https://www.bible.com/bible/943/GEN.1.NB>

©2026 Bible for Children, Inc.

www.M1914.org

www.bibleforchildren.org

